



Mémoire d'OC lors de l'Antigone des associations à Montpellier.

## Memòria d'Òc



Grop d'estudi languedocien istoric e genealogic, l'associacion Memòria d'Òc fa part de l'UTT, Universitat dau Terç Temps de Montpellier. Engimbra de conferéncias sus l'istòria, las costumas e las tradicions languedocienas.

« O cal dire als inscrichs nòus de l'UTT, los conferencièrs de Memòria d'Òc son d'estudiants coma vos, d'òmes e de femnas curioses de son passat, d'aquel de l'espaci ont demòran, curioses tanben d'una istòria que jamai li foguèt pas ensenhada, e que descobrison au fiu de sas cercas dins los vièlhs cartabèus, los papiers enjaunits, las fotografias doblidadas o la memòria dau mond » çò escriguèron dos dels sòcis fondadors de Memòria d'Òc, creada en 1991, Pau Codèrc e Jordieta Alari, anciana regenta, qu'agèt coma escolan... Felip Saurèl. « Un còp per mes, Sala Petrarca, un sòci baila una conferéncia dins l'encastre de l'UTT, e escriu una publicacion que li es ligada. Un vertadièr trabalh de recèrca », çò ditz Régis Martin, president de Memòria d'Òc. Paire e filh Bazille, Alexandre Laissac, Istòria de l'aiga a Montpellier... Ten mai d'una conferéncia a son actiu. Son un vintenat per far çò mèmes. Aquò's una associacion d'iniciats, que fan d'intervencions ricas, exigentas e de naut nivel

intellectuau, mas son dubèrtas a totes a la condicion d'aderir a l'UTT. Memòria d'Òc participa a las activitats culturalas de la Vila de Montpellier e de la Metropòli. Lo public pòt se procurar las publicacions dins los salons dels libres (a Pinhan, a Castelnaud-lo-Lès, a Latas, a la Comedia dau Libre, o dins lo barri Figairòla a Montpellier). Alan Valdeyron presentarà lo 10 de genièr a 4 oras dau tantòst : *Las aventuras de Paulin d'Anglars. Un Gardés testimòni dau naufragi de La Medusa*. Lo 7 de febrèr, Jaume Ziegler **espepissarà** *l'Origine e evolucion de la viticultura en Lengadòc*. E a l'escasença de sa 200ena publicacion, l'associacion presentarà lo 28 de febrèr a 4 oras de la tantossada : *Memòria d'Òc conta la fèsta dins Erau*.

**/engimbrar/** organiser  
**/cartabèu/** registre **/lo mond/** les gens, le monde **/sòci/** membre d'une association **/regent/** instituteur **/barri/** quartier **/tantòst, tantossada/** après-midi **/espepissar/** étudier en détail.

## Mémoire d'OC

**Groupe d'étude languedocienne historique et généalogique, l'association Mémoire d'OC est une section de l'UTT, Université du Tiers Temps de Montpellier. Elle donne des conférences sur l'histoire, les coutumes et les traditions languedociennes.**

« Il faut le dire aux nouveaux inscrits de l'Université du Tiers Temps, les conférenciers de Mémoire d'OC sont des étudiants comme vous, des hommes et des femmes curieux de leur passé, de celui de la région qu'ils habitent, curieux aussi d'une histoire qu'on ne leur a jamais enseignée et qu'ils découvrent au fil de leurs recherches dans les vieux registres, les papiers jaunis, les photographies fanées ou la mémoire des gens », ont écrit deux des membres fondateurs de l'association Mémoire d'OC, créée en 1991, Paul Couderc et Georgette Alari, ancienne institutrice, qui a notamment eu comme élève... Philippe Saurèl. « Une fois par mois, salle Pétrarque, un membre de l'association assure la conférence dans le cadre de l'UTT et rédige une publication afférente. Un vrai travail de recherche », explique Régis Martin, président de Mémoire d'OC. Père et fils Bazille, Alexandre Laissac, *Histoire de l'eau à Montpellier*... Il a plusieurs conférences à son actif. Ils sont une vingtaine à en animer.

C'est une association d'initiés, si l'on considère la richesse, l'exigence et le niveau intellectuel des interventions, mais elles sont ouvertes à tous à condition d'adhérer à l'UTT. Mémoire d'OC participe aux activités culturelles de la Ville de Montpellier et de la Métropole. Le public peut se procurer les publications lors des salons du livre (à Pignan, à Castelnaud-le-Lez, à Lattes, à la Comédie du livre ou dans le quartier Figuerolles à Montpellier...). Alain Valdeyron présentera le 10 janvier à 16h : *Les aventures de Paulin d'Anglars. Un Gardois témoin du naufrage de la Méduse*. Le 7 février, Jacques Ziegler expliquera *l'Origine et évolution de la viticulture en Languedoc*. Et à l'occasion de sa 200<sup>e</sup> publication, l'association présentera le 28 février à 16h : *Mémoire d'OC raconte la fête dans l'Hérault*.



memoiredocsite.  
wordpress.com  
utt-montpellier.fr